

SALVTEM

IN NVPTIIS ²
M. ANTONII
BURGHESII,
ET CAMILLAE
VRSINAE

Principum Sulmonis

FRANCISCI ROGERII
HYMENAEVUS.




VITERBII, Ex Typographia Discipulorum.

SVPERIORVM PERMISSV. 1619.

2

IN HONORE
M. A. TONII
ARCHIEPISCOPI
ET CAMERACENSIS
V. C. N. A. E.

PROPTER
CAUSAM
HISTORICAM



VITAE ET
MORVM

H Y M E N A E V S .



T mihi nascenti risu blanditus Apollo,
Me cōmendauit Musis altricibus : illæ
Casto suscepere sinu, cupidisq; labellis
Aonio rorem libatum fonte dedere .

Mox tener adrepfi, quā se Parnassia Laurus
Erigit, ac Soli dilectas educat umbras.
Inde leues Erato porrexit læta corymbos,
Iussit, & æternam non desperare coronam .
Solut adhuc taceo / Vatum chorus vndique circum
Personat : argutos (& quis vetat) inter olores ,
Vnus ego Musis non ingratissimus anser
Audiat : anseribus tutus custodibus olim
Iuppiter, hos merito vetuit contemnere Phœbum .
Cur non hos deceat vel summo Helicone morari ,
Quos Tarpeia aluit sublimi in culmine rupes ?
Arcem nempe truci somnus cum proderet hosti ,
Peruigiles acri cecinerunt classica cantu ,
Reliquias miseræ premeret ne ferreus Urbis
Somnus , & Imperio nox illa æterna maneret .
Sic, ni seruassæt Capitolia peruigil anser ;
Nunquā Romanos memorasses Cycne triumphos.
Roma, quod Augustis Aquilis iam nidus, ab illo
Anser munus habet . Sed bellatricibus olim,

Læta Aquilis nunc Roma pijs. Sub Principe Paulo
Nullū fulmen habent; nisi quod tam sancta coruscat
Maiestas; agitant iamdudum gaudia pacis:
Vel, si bella parant; castis ea bella Cupido
Imperat armatus facibus; tenerasque puellas
Complexu matrum dulcem sibi prædam Hymenæus
Abripit, addictasque nouis amplexibus vrget.
Flent illæ. Venus alma tamen risuque iocisque
Increpat ignaras, quantum noua gloria matris
Partibus exultet primis, fructuque sequito
Penset virginei damnum irreparabile floris.
Flete tamen; quamuis lachrimæ voluantur inanes,
Flere decet. Sic horti vbi gloria candidulus flos
Spirat adhuc suaues æstu moribundus odores,
Ne quidquam auxilio decurrere limpídulus fons
Adproperat; sæui rabies insana Leonis
Præualet, & Cœli non euitabilis ardor:
Sed tamen adproperans pulchri illacrimatur amici
Funeribus; Cœli at saltem cecidisse sub ictu
Florem, sydereisque rogis arfisse iuuabit.
Vos quoque legitimis Hymenæi cedere flammis
Ne nimis innuptæ pudeat; namque ille decoræ
Filius Vranies radiat face splendidus aurea,
Vitgineamque rosam castis ardoribus vrit.
Sic ego. Tum arridens nostris Venus aurea dictis

Annuit, & casti simul arrisistis Amores.
At non arrisit Pallas (paulo ante cohorti
Virginæ cultus aduenerat incluta Pallas)
In Venerem inuehitur ; iamdudum lumine glauco
Magnarum irarum prænuncius arserat ignis .

O spumantis aquæ , & lasciui filia Ponti ,
Mundo enixa cupidineam Venus improba flammâ ;
Monstriferis vtinam laruisses semper in vndis .
Quid nostrû male suada chorum circumspicis , atrox
Vt lupa , quæ teneras prædam sibi destinat agnas ?
Tu decus interimes tantum Venus effera ? tu ne
Candida tam pulchra spoliabis pectora luce ?
Gemma velut melius natiua fulsit arena ;
Ipsa sibi decus , ante nouam quàm serua figuram
Indueret , tenui quam vi labor extudit artis .
Sic virgo , dum intacta manet , præclara nitescit ;
Tum lux ipsa sibi , & puris non inuidet astris .
Ast eadem cupido postquam tractata marito
Amplexus tulerit , iam non erit amplius illa
Ipsa sibi decus , & puris iam sordeat astris .

Virgineo quid flore beatius addere Diui
Floridulo potuere choro , tenerisque puellis ?
At Venus alternis roseo sic ore sequuta
Perfidulum ridens , pætiisque insignis ocellis .
Gemma velut solis in montibus edita nulli

Fulget, & ignota sordescit vilis arena;
Ast eadem *fuluosi iuncta renidet* auro
Mirantes oculos in se trahit, ac noua fulget
Nobilibus digitis, & claræ gloria dextræ.
Sic virgo, dum innupta manet, vix noscitur vlli;
Postquam eadem charo fuerit bene iuncta marito,
Ipsa sibi tum grata magis, tum cognita famæ;
Ac vitæ gaudens iucundos exigit annos.

Et quid coniugio iucundius addere Diui
Floridulo potuere choro, tenerisque puellis?
Vt fons, in septis purus qui labitur hortis,
Cultus Hamadriadum studio, lætisque Napæis
Inter delicias, iucundos inter odores
Fert illibatam foedis animantibus vndam;
Ast idem, si quis sepem disiecerit horti,
Illicet admittens armenta, ferasque, profanus
Qui sacer ante, vehat lutulentam turbidus vndam.
Sic virgo, patriumque larem, castumque cubile
Quæ colit, & matris complexu libera gaudet,
Lasciuos fugit obtutus, & conscia pulchri
Corporis, ipsa sibi formosæ mentis honores
Conciliat, miroque animi radiata sereno
Supra mortales se se effert ardua curas.
Quod si debellari eadem se passa, medullis
Hauferit insolitam flammam; tunc ipsa minorem

Se mirata, graues motus, animique tumultum
Sentiet, atque humiles nebuloso in pectore curas.

Virgineo quid flore beatius addere Diui

Floridulo potuere choro, tenerisque puellis?

Vt fons, deserto obscurus qui labitur aruo,
Quæ neque arûdo tegit, vicina nec arbor inumbrat,
Vix aut Nympharum, aut Pastorû cognitus vlli est,
At superimpendens illum si laurea ramis,
Vel frondosa tegat platanus, vel aquatica lotos,
Sæpe viatores accedant, sæpe sub æstu
Et Dryades circumsedeant, & flore coronent:
Sic virgo, dum innupta manet, sibi rustica viuit,
Illa nec vrbano possit se ostendere cœtu,
Nec cum alijs festas hilaris duxisse choreas,
Olli non Charites, non arrisere lepores.
Ast eadem, casti si forte cupidinis æstu
Tacta, maritalis thalami quæsiuerit vmbra;
Tunc illa vrbano ostendet se splendida cœtu,
Et cum alijs possit festas duxisse choreas,
Atque illi Charites, atque arrisere lepores.

Et quid coniugio felicius addere Diui

Floridulo potuere choro, tenerisque puellis?

Virgineo quondam præstantes flore Sybillæ
Sæcula protulerant viuacem in multa senectam:
Dedignatæ vtero mortales edere scetus

Immensum angusto gestarunt pectore Numen,
Claraque veridica fudere Oracula voce.

Virginitate quid ò diuinius addere Diui
Floridulo potuere choro, tenerisque puellis?
Prima Parens hominum gremio exceptura maritū
Legitimo se se totam permisit amori,
Castaque foecundis addixit pectora flammis;
Hinc propagatum genus hoc in sæcula durat;
Hinc licet, & magnis diuisum gentibus Orbem
Adspicere, & sceptris latè Florentia Regna.

Et quid coniugio diuinius addere Diui
Floridulo potuere choro, tenerisque puellis?
Quò vos, quò Diuæ certandi prouehit ardor?
Iudicè mortali (si fas) componite lites.
Par est Virginitas Cœlo, par inclyta Diuis,
Hūmanæ longe superans fastigia laudis;
Sed soli foecunda sibi, decorumque suorum.
Fertilis ingenio periturum haud respicit Orbem.
Publica coniugium res est, communia spectat

Commoda; Quid faciles diuinius addere Diui
Floridulo potuere choro, tenerisque puellis?
At vos quid tacitos video, quæ tradidit artes
Astrorum dux ille suas, cantusque repertor?
Hic decet illūstri vos hic depromere cœtu,
Quid ferat ingenium, quantū nouus excitet ardor;

Publica

Publica dum exhilarant felicem gaudia Romam ,
Dum celebratur Hymen, totaque exultat in Vrbe .
Iam dudum optanti quam parturiebat Olympo
Tandem Aurora diem peperit , qua regius Ales
Fulminis oblitus casto famuletur Amori ,
Et qui liber erat volitans popularibus auris ,
Nunc amet in roseis ætatem degere vinclis ,
Fortunata dies nimium ; non coniugis illam
E' senis amplexu Tithoni Lutea mater
Concepit ; dominæ fatorum Mentis at alto
Consilio , vt maneat genus immortale per æuum ,
Tantum demeruit Superos Burghesia virtus .
Vix enata diem peperit ne Aurora ? quid vltra
Spes Vrsina trahit , cui flos ætatis adultæ ?
Non Solem pariet , sed prolem sanguine ab alto
Quam non degenerem possit ostendere Soli .
Quare agite ; en alacri proludit voce Cheragus ;
Vos decet alternis iam respondere choreis :
Pellite humum pedibus, numerofo incedite saltu ;
Aethera mulcentes , numerosos edite cantus .

Huc ades ò Hymenæe, veni lepidissime predo .
Virgineum prædare chorum, sed parce tenellis ;
Non bene coniugibus tradas al'ricis egentes :
Vix natas legisse rosas, nec durior audet
Agricola , aut lenissim pubescentes hyacintos ;

Lilia nec sæuo quisquam violauerit vngui,
Quæ nondum Cœlo niueum decus exeruere.

Hûc ades ô Hymenæe, veni lepidissime prædo.
Maturas prædare viris: ostendit apertos
Cum rosa adulta sinus, iusto tum demetit vngui
Agricola, & carpit non inuitos hyacintos,
Liliaque, vt niueum Cœlo decus exeruere,
Atque crocos medio in calice ostendere micantes,
Roscidus infundit calici tum Iuppiter imbrim.

Hûc ades ô Hymenæe, veni lepidissime prædo.
Concha velut rubro. quæ vix enata profundo
Non bene adhuc solidæ concreuerit imbrice testæ,
Natiuis agit in thalamis conclusa, nec vllos
Ab Ioue fœcundo poscit virguncula rores;
Hanc ipsam, postquam matura adoleuit, & vndis
In medijs pulchro generandi exarsit amore;
Pronuba conciliat: tum Cœlo Aurora marito
Exceptare sinu rores, & semen hianti
Suadet, & ætherio gemmarum opulescere fœtu.
Sic, cui turgidulæ nondum florere papillæ
Cœperunt, dulci cum matre puellula viuit,
Nondum nota sibi nullos suspirat amores:
Ast eadem, matura viro cum venerit ætas,
Cum primû emergunt lactenti germine mammae,
Iam tum, quid sit amor penitus non inscia viuit,

Diuiarque animo quiddam , tacitasque subinde
Naturæ voces audit , sed murmura tandem
Clamorem erumpunt in apertū , vt matris honores
Ardeat , expertem thalami nec degere vitam .

Hūc ades ō Hymenæe , veni lepidissime prædo ,
Maturas prædare viris , sed parce tenellis .
Qualis in ærio prædatrix ardua fluctu
Remigio alarum , rostroque insignis obunco
Visa procul niueis alba de turre columbis
Suscitat ingentemque fugam , mutumue timorem ,
Talis ades nimium teneris Hymenæe puellis .
Quod si vni ē numero rapidos infixerit vngues
Trux Aquila , & pedibus miserandā euisceret vncis ;
Omnes semianimes vnius funere cernas ;
Tantum fulmen habet sæue præsentia cædis .
Sic vnam ē numero si forte Hymenæe puellam
Abripias , omnes tum protinus expallescent ,
Et comitem perijsse sibi , sociamue queruntur .
Connubium sic poenē graui pro funere ducunt .
Tanta ne cum teneris tibi lis Hymenæe puellis ?

Hūc ades ō Hymenæe , veni lepidissime prædo .
Simplex turba viden ? Limis te spectat ocellis ,
Quosque simul tecum duxisti , Diue , maritos ,
Illæ etiam trepidant queis gloria floris adulti ?
An credunt hostes , quos experientur amantes ?

Dudum turgiduli flendo rubuistis ocelli,
Quid ploratis adhuc? ubi debita cura decoris?
Sydera flere nefas; Hymenæo quærite ab ipso
Vranicæ genitrix alto quem misit Olympo. (reâ.
Hûc ades ô Hymenæe, facē quate splendidus au-
Si quā tuam sperat lacrimis virguncula flammam
Opprimere, ô quantum spes illam ludit inanis;
Monstrifero sub gurgite in Oceano immenso
Fax tua viua micat, mutis facunda refulget
Armentis; generis cura hinc informibus Orcis,
Et sua Balenæ, sua sunt connubia Phocis.
Parent ergo truci cui monstra natantia Ponto,
Olli tam placidæ nolint parere puellæ? (reâ.
Hûc ades ô Hymenæe, facem quate splēdidus au-
Soli concilias tu lunam, luna refundit
Phœbeam Thetidi lucem, Regnoque liquenti
Hinc vndabundi molem maris æstus amoris
Concitat; æstus adhuc paruo, sub pectore nullus?
Hûs ades ô Hymenæe, facē quate splendidus au-
Tu quoties Terræ cōiungitur arduus Aether, (reâ.
Fœcundoque ruens imbri, magnaue procella
Vim rapidam, & sæui stimulos testatur amoris;
Conciliator ades; tu fulmina, Diue, coruscas;
Aeternamque facem nubes quatis inter aquosas.
Ergone cui Tellus, cui paret maximus Aether,

Virgineus

Virgineus parere chorus detrectat inermis ?
Concute, Diue, facem, fulmen iace splēdidus aureū.

Hūc ades ò Hymenæe, facē quate splēdidus aureā.
At vos, ne sacram Genio contemnite flammam ;
O viui flores , altæ nec mentis egentes :
Aut iuuet æterno mentis splendescere partu ,
Mens in virginibus nam fecundissima fulget ;
Aut fecunda thoro iuuet addixisse iugali
Corpora , & humanæ seriem producere gentis .
Nil decet in magno sterile obtorpescere Mundo ;
Omnia parturiunt : vis Numinis incubat Orbi ;
Naturæ è tenebris, labyrinthæoque recessu
Innumeras opifex educit dædala formas ;
Postrema sic parte sui formosior Ales :
Cælum sydereo pennarum imitata rotatu ,
Obscuro fouet oua loco ; pulcherrima donec
Prodeat in lucem soboles noua gloria matri,
Atque repente oculos in se trahat admirantes .

Hūc ades ò Hymenæe, veni lepidissime prædo .
Fer tecum, fer, Diue, facem ; sit spinea quamuis
Fax tibi grata , rosam spinoso imitabitur igni ;
Nempe voluptatis nunquam rosa germinet vlli ,
Quem non vel leuiter tentarit spina doloris .
Nocte veni , quamuis venias tu nocte, micabit
Fax tua virginibus phœbeo clarior Astro .

Fer tecum , fer, diue, facem ; nam furta tenebras
Semper amant, gaudent sed aperta luce rapinæ :
Tu furta odisti , raptoris nomine gaudes ;
Furta decent pauidos , fortem decuere rapinæ .

Hūc ades ò Hymenæe, veni fortissime prædo !
Quis non audiuit veteris miracula famæ ?
Cum gelidus Boreas flammis exarsit amoris ,
Matris ab amplexu sibi cum violentus amator
Abripuit miseram , ferus, ah ferus Orithyan .
Hos mores Hymenæe doces , hæc efferus audes ?

Hūc ades ò Hymenæe, sed ò sæuissime prædo
Mores pone truces , alios nunc indue vultus .
Cui non Dardanij Paridis notissimus ardor ,
Filia Ledæi etiam formosissima Cycni
Bubonem , aut vlulam misero se præstitit Illo
Fax tua cum magnæ succendit pergama Troiæ ,
Pergama , quæ geminis obsedit Circei lustris .
Quæ pubes geminis defendit Dardana lustris .
Proh scelus , ergo Pari tibi pluris adultera turpis,
Quàm patria Vrbs & aui quàm Regia Laomedôtis ?
Hos mores Hymenæe doces, hæc prælia mōstras ?

Hūc ades ò Hymenæe , sed ò sæuissime prædo
Mores pone truces , alios nunc indue vultus .
Cui non nota ferox vix natæ infantia Romæ ,
Pronuba virginibus cum se Bellona Sabinis

Intulit irrumpens armato milite turmas
Custodum, & patriæ disiectans tela coronæ;
Marre satum populum connubia an ista decebant?
Raptores Orbis tales genuere rapinæ?
Hos mores Hymenæe doces? hæc prælia mōstras?

Hūc ades o Hymenæe, sed o sæuissime prædo

Mores pone truces, alios nunc indue vultus.

Sit vis ista procul. Paulo sub Principe leges

Imperitare decet; vis vnica regnat Amoris,

Quæ matrum è gremio rapiat, donetque puellas

Coniugibus: quod si plorent, tu sæuior insta;

Illas sæuitia hæc iuuat, at clementia lædit.

Cernitis? en festinat Hymen, propiusque refulget

Candidus, Idalium pura face prouocat astrum.

Hesperere quid tentas, Hymenæi vincere flammam?

Nam te cur solito radiantior ætheris arce

Exeris? ambitio num vos quoque sydera tangit?

Præripere & palmam iuuat, & præfulgere Diuis?

Hūc ades o Hymenæe, veni lætissime Diuum.

Hesperus ecce tibi geniali militat astro

Adspicis vt splendet? Amor splendet in illo;

Nunc Amor ingentem teneris accendere flammâ

Pectoribus meditatur, amat victoria curam:

Securis obrepit Amor, cæcumque medullis

Vulnus alit: nimium securas esse puellas

Quid

Quid iuuat an vinci melius, quàm vincere credū?
Hūc ades, o Hymenæe veni gratissimè prædò.
Te tua præda vocat; castæ rubuere puellæ;
Ne properes Hymenæe, sinasadolescere prædam;
Te tua præda rogat supplex chorus inruptarum;
Hanc tibi præda motam pensabit scēnore magno.
Adspicē; lacteolæ nondum tumuere papillæ;
Quis furor, inuitum sub acerba nectar ab vua
Exigere, & prælo liuentes ferre racemos?
Aurea cum mites vindemia coxerit vuas,
Cum tibi purpureos ostenderit vha racemos;
Tum tibi sponte sua matura nectar ab vua
Effluet, ebriolum tum te fecunda voluptas
Reddet, & argutos nimis exhilarabit ocellos.
Sed quid ego hic leuibus nequicquā colloquor auris?
Atque atque accedens vibratior Hesperus ardet,
Fulminat, & nullo teneras discrimine mentes.
Hespere virginei quis floris acerbior hostis?
Qui tentes illo castas spoliare puellas,
Et Veneris flammam teneris inferre medullis;
Hos ne decet nitido mores incedere cœlo?
Hæccine tam purum deceant contagia sydus?
Hespere adhuc properas? Reginā en alloquar ipsā.
Alma Venus, cui flos astrorum Lucifer alto
Fulgescit Cœlo, florum Rosa nobile sydus

Fulgescit

Fulgeſcit terris, roſa virginitatis amorem,
Quæ ſibi præcipuum ſpinis armata fatetur;
Discordant ne adeo tua munera? cur Hymenæo
Aureolamque facem, radiataque commodat arma
Heſperus, vt miſeras queat expugnare puellas
Ante diem? ſit fas tenero ſua caſtra pudori
Hoſtis ab incurſu ſeruare, Cupidinis aſtus
Sit fas eluſiſſe, tener dum ſoſculus horret
Proſtitui duro creſcentia dona colono.
Si quæ iam matura viro, ne diſſer Amoris
Tradere legitimis vrendam Cypria flammis.
Aurea ceruicem roſeam quæ ſub iuga mittat
Virgo libens, apte quæ munia comparis æquet,
Illa quidem fruſtra viduo terat ocia læſto.
Sed tu præcipue geſtit, quam Roma tueri
Sydereis flagrantem oculis, cui plurima vultu
Flora pudoricolor vernos aſſauit honores;
Creuit in Vrſinis tibi quæ formoſa roſetis;
Burgheſio tandem Heroi Citherea Camillam
Trade bonis auibus, ſed quid felicius inuiſta-
Alite, quæ dominam alarum complexibus Urbem
Protegit, & diæ tutatur fulmine Pacis?
Delicias anguſta ſuas Pax vndique fudit:
Vrſinæ en tibi, Diua, Roſæ, quæ germine pulchro
Alta coronarunt feliciſsima mœnia Romæ;

Has tibi non teneri sanguis generauit Adonis
Intempestiuos, imbelli è funere risus:
Sæua sed ob patriam pugnando vulnera passi
Heroes peperere tuo noua gaudia Marti,
Vrsini Heroes; gremio suscepit alendas
Gloria, & æterno coniunxit federe lauris,
Nunc Aquilæ coniungit Hymen: Rex ille volucrū
En roseo recubat nido, flammasque maritas
Concipit, & læto Solem clangore lacescit.

Sol ades ò Mundi vita inferioris, ab arce
Aetheria geniale iubar iaculare superbos
In thalamos; Hymenæus eris tu scilicet alter
Claris coniugibus; thalamisque illustribus aptus.
Te Natura parens Hymenæum prouida Mundo
Præposuit cursu certo, certoque recurſu
Distribuētem imis vitalia semina rebus:
Tu fluxum reparas Orbem, teque auspice Tellus
Redditur omniparens æterno iuncta marito.
Sed satis es remoratus, abi quò te ire necesse est,
Quòque vocant mundi leges, ac iura Tonantis;
Hesperus exoritur pro te, placidusque renidet,
Atque novos thalamos radijs insignibus ornat.
Hesperus en Soli morienti splendidus hæres
Succedens altum inuadit dominator Olympum;
Præcipue noua nupta tibi iubar exerit aureum;

Quin Virgo idalium,quin suspicis inclyta sydus
Illa suspicies proprios in imagine ocellos;
Cœlestes tibi sunt oculi, cœlestior illis
Mens nitet; ornataque omni composta refulget.

Hespere virginei qui floris amabilis hostis
Proponis teneris connubia læta puellis,
Quam sibi Burghesius coniunxerit Heroïnam
Adspice; nil illa formosius vlla tulerunt
Sæcla; sed egregiæ par est sapientia formæ.
Tu velut innumeris circumfulgentibus astris
In te mortales oculos tamen attrahis vnus,
Nec pateris toto quidquam spectabile Cœlo;
Virgineo sic Roma choro pulcherrima quamuis
Fulgeat, & Veneris testetur dona parentis:
Vna Camilla sibi decus insuperabile formæ
Vendicat, atque oculos præstanti luce moratur;
Nec patitur tota quidquam spectabile in Vrbe.

Hespere cœlestem Veneris te dicere gemmam.
Possumus, æternum clari beryllon Olympi;
Te te Vrsina suis en laudibus Heroïna
Prouocat, ah, merito, si tu sapis, Hespere cedas.
Olli quam similem vidisti, quamue secundam?
Seu cum Orbi nostro te fortunata remittit
Insula, ab Herculeis tibi cum patet vsque columnis
Africa læta dolis, atque armipotens Europa;

Seu

Seu cum matutinus agis te mollibus Indis
Ditem prospectans Asiam, pictumque Gelonum,
Thuriferosque Arabas, & Persidis inclyta Regna.
En quamuis teneri flos ipse tenerimus æui
Nunc nunc precipue vernantes efferat annos;
Pectore constanti virtus adamantina fulget.
Tu modo producis nocturnas Hesperus umbras,
Tu modo præuertens Auroram Lucifer exis.
Illa malas animi, turpesque exosa tenebras
Aeternum dio radiabit Lucifer igni.

Hespere quam similem vidisti, quamue secundâ
Iure igitur penito concepit pectore flammam
Burgheſius luuenis; Dominâ vocat ecce morantē.

Quid trepidas noua Nupta; metos in gaudia ver-
Nam simul, ac teneras immitia mala papillas (tes:
Iusserit alma Venus dulci lactescere rore,
Pectoris & fontem soboli patefecerit aluum:
Tum tibi iucundis feriat vagitibus aures
Infans aureolus, Patrique simillima proles
Materno tunc ipse animus lactescet amore.

Sed nos dum canimus; vrget nox humida cursus,
Virgineumque metu iam cor propiore laceſſit.

At tu ne propera, teneroque ignosce pudori,
Ne propera mala nox teneris inimica puellis,
Nox terræ soboles, Erebi germana profundi;

Tunc

Tune tuis tenebris funestas horrida Mundum ?
Tu Cælum inuadens trepidantibus erigis astris
Pyramidem umbrarum victo de Sole trophæum ?
Quid peius sæui, quid tentauere Gigantes ?
Quid noctem increpitas ? cōiicia nulla meretur.
Huc ades o bona nox cupidis iucunda maritis,
Quamquam dissimulant, teneris iucunda puellis ;
Furtiuos hominum quæ contemplaris amores
Peruigil innumeris oculis ; quæ fræna relaxas
Dulcibus illecebris, prima cum nocte mariti
Tentant herculeum Zonæ dissoluere nodum.

Nox age sydereos effer placidissima vultus,
Cur te Mæonius diuinam appellat Homerus ?
An quia multiplices Cœli nox aurea motus
Distincte retegis, Mundique arcana recludis ?
Adspiciam lætus tua lumina, lætus honores.
Præcipue quæ magna breui furit Vrsæ rotatu
Magnanimam Europam, Cœli quæ spectat ab arce,
Sauromatumque plagam, Riphæosque ardua môtēs
Aeterna glacie durans, atque imbris atris
Educat inuictas pugnaci robore gentes ;
Illa mihi præ alijs magnum, ac memorabile sydus.

Vrsæ tuum veluti nunquam decus ire sub altum
Cernimus Oceanum, sed Mundi in vertice semper
Circumagis nitidos formæ stellantis honores :

Viuax Vrsinæ sic nunquam gloria gentis
Occidet; ab gelido veniens Aquilone latinos
Illa tenet montes, sed montibus ante Latinis
Cesserat, exactoque annorum hùc Orbe reuerti
Debuit, atque Rosas patrio iam reddere Cœlo
Ereptas æternæ hyemi, Cœloque niuali.

Clarius Vrsa mica, diffunde serenius ignes.
Burghesijs Aquilis Vrsinam dede columbam,
Burghesio substerne Rosas impune Draconi.
Mitius hoc nihil est, nihil est clementius illis.
Bella truces Aquilæ gesserunt, horrida bella;
Principe sub Paulo pugnam meditantur amoris.
Aurea custodes seruarunt poma Dracones;
Burghesij seruant nunc aurea sæcla Dracones.

Clarius Vrsa micet, diffundat amœnius ignes.
Mundus in occasum præceps reuolutus ab ortu
Arripit aduerso tendentia sydera motu;
Te Romane Pater populos duxisse volentes,
Non traxisse iuuat. Te Sydera sponte sequuntur,
Sydera purpurei semper veneranda Senatus;
Accepere tuos en toto pectore sensus.
Cur non alstra iuuat mores adsumere Solis?

Clarius Vrsa micet, diffundat amœnius ignes.
Sòl, vbi prospectans oculis radiantibus Orbem
Viderit armifono turbari cuncta tumultu;

Principe

Principe sub Paulo se principis offeret Vrbis
Gloria miranti placido lætissima vultu ;
Humanum supra morem augustissima vultu ;
Tantum altæ potuit felix sapientia mentis .
Hoc genus Heroum quid propagare moraris
Dux castæ Veneris casti inflammator Amoris ?

Hûc ades ô Hymenæe, veni clarissime prædo .
Regalis te præda manet , tibi regia Virgo
Se parat , ardorque tuo castissima pectus
Deuouet ; illibata Rosæ tibi purpura vernat ,
Virtutesque micant diuinæ sydera mentis . (raris?

En Hymenæus adest; quid iam noua Nupta mo-
Iam te dede Viro : quæ se haud defendere norunt
Deditioe cita victorem mœnia placant .
Se dedit illa Viro: in thalamos iam Pronuba ducit ,
Regales thalamos , atque aurea veste rigentes :
Ludere iam incipiunt , & amoris quærere palmam .

Viuite ludentes , viuentes ludite , donec
Obrepens tacite senium vernantibus annis
Damna æui capitis niueo soletur honore .
Ne tu formides Heroum foscule , si quam
Irarum excierit mitem noua Nupta procellam ;
Cras placata tibi , cœlesti , candida , vultu
Paciferam castis ostendet amoribus Irim .
Felices tu pasce oculos , animumque serena

Luce breui; Cœlum quid pulchrius Iride pulchra
Post longum ostentat lætis mortalibus imbrim?
Ast oculis postquam mirantibus euanescent
Fugerit, obscuræ remanent vestigia nubis:
Sic & forma brevis, flos iste breuissimus Aevi
Præterit, & grati spoliatos luce decoris
Exanimat vultus nondum quos vita reliquit.

Ludite: iam vobis numerosior edita surget
Magnanimum Heroum cōmixto è sanguine proles,
Quæ claros testetur Auos, & originis altæ
Præferat innata pro maiestate triumphos.
His Ducibus septem sublimius efferat arces
Roma potens, spectet cognata propinquius astra,
Vrsam, Burghesiamque Aquilâ, clarûque Draconē.
Sat lusistis: eunt nunc alta silentia noctis;
Vos deceat lusus intermisisse parumper,
Nos importunos omnino abrumperé cantus;
Liquerit vt croceum Tithoni Aurora cubile
Ah, cito longæui senium pertæsa mariti:
Ad vestros iuuenes tum suspirabit amores.
Tum lusus repetetis; amant noua gaudia lusus.
Dormite interea: cum Sole Poetica surget.
Vos lusisse iterum; nos at cecinisse iuuabit.

F I N I S.